

BOSNA I HERCEGOVINA
Federacija Bosne i Hercegovine
TUZLANSKI KANTON
V L A D A

URED VLADE
Broj: 02/3-04-8247 - 5/23
Tuzla, 21.07.2023. godine

Institucija ombudsmena za ljudska prava BiH
Enver Čosić

PRIMLJENO	ORGANIZACIONA JEDINICA	PROJEKAT	PROJEKAT
23	- 05 - 229/23		GA

BOSNA I HERCEGOVINA
Institucija ombudsmena/ombudsmana za ljudska prava

PREDMET: Izjašnjenje, dostavlja se
Veza Vaš akt broj: Ž-BL-05-229/23 od 20.06.2023. godine

U vezi sa Vašim aktom broj: Ž-BL-05-229/23 od 20.06.2023. godine, a po dostavljenoj žalbi Udruženja građana Ne diskriminacija, ne mobing, obavještavamo Vas da smo po zahtjevima za pristup informacijama tog Udruženja, u potpunosti udovoljili tim zahtjevima, izdali odgovarajuća Rješenja i uz ista podnosiocima zahtjeva dostavili sve tražene informacije kojima raspolažemo u službenim evidencijama Vlade Tuzlanskog kantona.

Nije nam potpuno jasno iz kojih razloga su iz navedenog Udruženja na oba dostavljena Rješenja izjavili prigovore na ista, ali su to oni ipak učinili, objašnjavajući to nekim informacijama kojima samo oni raspolažu.

Smatrajući da je priroda i sadržaj dostavljenih prigovora Udruženja i onoga na što tim prigovorima dodatno traže i na što ukazuju, kao i onoga što smo mi pokušali pojasniti u svom odgovoru bliža načinu pismene korespondencije putem odgovarajućih obavještenja, a ne formalno-pravno izdavanja odgovarajućih rješenja o prihvatanju ili odbijanju tih prigovora. Mišljenja smo takođe da je važeći propis u tom smislu isuviše formalan i krut, propisujući da se sve što se kroz zahtjeve traži može i mora prihvatiti ili odbiti, što u praksi jednostavno i nije slučaj, nego mnoge od tih zahtjeva ili datih odgovora treba pokušati dodatno pojasniti, a ne formalno utvrđivati u dispozitivu negog upravnog akta (Rješenja) ili njegovom obrazloženju.

Udruženje je takođe Federalnom upravnom inspektoratu uložilo predstavku, te je od Vlade Tuzlanskog kantona zatražena informacija o istom kao i postupanje u smislu donošenja upravnog akta.


Ponovno ističemo kako nam nisu jasni osnovi i razlozi podnosioca zahtjeva na insistiranju donošenja odgovarajućih Rješenja po dostavljenim prigovorima, iako smo svjesni činjenice da je to u važećem propisu na taj način regulisano. Međutim, ako Udruženje građana na tome i dalje insistira, a što se potvrđuje i kroz predstavke koje su dostavili Vašoj instituciji i nadležnoj inspekciji, pristajemo da ispunimo formalnu obavezu donošenja odgovarajućeg upravnog akta, kako to u propisu i stoji, bez obzira što to smatramo besmislenim i što to samo po sebi čini isključivo puku formu a ne bilo kakvu suštinu, imajući u vidu činjenicu da im nismo u mogućnosti pružiti i dostaviti više informacija u odnosu na onaj dio informacija koje smo uz početna Rješenja i dostavili, obzirom da u evidenciji Vlade Tuzlanskog kantona ne raspolažemo dodatno traženim informacijama i dokumentima, niti znamo koji drugi nadležni organ raspolaže tim informacijama.

Ukoliko podnosilac prigovora zna, kako to i navodi u svom prigovoru, da neki drugi kantonalni organi dodjeljuju sredstva udruženjima i fondacijama, shodno važećim propisima trebali su zahtjev za pristup traženim informacijama uputiti na te adrese koje su samo njima poznate.

S poštovanjem!

Prilog: Rješenja u vezi sa uloženim prigovorima
Akt upućen Federalnom upravnom inspektoratu

DOSTAVITI:
1 x Naslovu
1 x Evidenciji
1 x a/a



SEKRETAR VLADE

Enver Čosić